



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇՈՒԿԱՅԻ ՎԵՐԱՀՍԿՈՂՈՒԹՅԱՆ ՏԵՍԶԱԿԱՆ ՄԱՐՄԻՆ

Ո Ր Ո Շ ՈՒ Մ N_03

Տուգանք նշանակելու մասին

19.01.2024թ.

ք. Երևան

Քննելով տեսչական մարմնի ղեկավարի կողմից 2023թ. դեկտեմբերի 27-ին ֆիզիկական անձ Արթուր Մաթևոսյանի նկատմամբ հարուցված թիվ 06 վարչական վարույթի նյութերը.

Պ Ա Ր Զ Ե Ց Ի՝

ՀՀ պետական եկամուտների կոմիտեն ՀՀ շուկայի վերահսկողության տեսչական մարմին ներկայացված 18.12.2023թ. թիվ /14-3/75250-2023 գրությամբ հայտնել է, որ հետաքննության և օպերատիվ-հետախուզության վարչության աշխատակիցների կողմից ֆիզիկական անձ Արթուր Մաթևոսյանի (անձնագիր՝ AP0679000) նկատմամբ ձեռնարկված օպերատիվ-հետախուզական միջոցառումների արդյունքում պարզվել է, որ Արթուր Մաթևոսյանն իրացրել է Հայաստանի Հանրապետության օրենսդրությամբ սահմանված ծխախոտային արտադրատեսակների փաթեթավորման և մականշման պահանջներին չհամապատասխանող ծխախոտային արտադրատեսակներ:

Օպերատիվ-հետախուզական միջոցառումների արդյունքների վերաբերյալ 13.12.2023թ. կազմվել է տեղեկանք, որով հայտնաբերվել է իրավախախտումը: Ըստ վերոնշյալ տեղեկանքի՝ Արթուր Մաթևոսյանը ք.Երևան, Արտաշիսյան փողոցին հարող շուկայի տարածքում զբաղվելով ապօրինի ձեռնարկատիրական գործունեությամբ, իրացրել է սպիտակ տուփերով՝ առանց որևէ մականշման, ակցիազային դրոշմակնիքներով չդրոշմավորված ծխախոտային արտադրանք, որի համար նախատեսված է

պատասխանատվություն Վարչական իրավախախտումների վերաբերյալ ՀՀ օրենսգրքի 47.16-րդ հոդվածի 1-ին մասով:

Նշված իրավախախտման համար պատասխանատու է հանդիսանում՝

Արթուր Մաթևոսյանը

իրավախախտողի անունը, ազգանունը, պաշտոնը

ՀՀ, ք.Երևան, Շենգավիթ, Հովհաննես Հովհաննիսյան փ., տուն 12

մշտական բնակավայրը և հասցեն

27.12.2023թ.-ին հարուցվել է վաչական վարույթ և կազմվել է վարչական իրավախախտման վերաբերյալ արձանագրություն:

Վարչական իրավախախտումների վերաբերյալ օրենսգրքի 267-րդ հոդվածի համաձայն՝ Արթուր Մաթևոսյանը պատշաճ ծանուցվել է ՀՀ շուկայի վերահսկողության տեսչական մարմնում 19.01.2024թ.-ին կայանալիք վարչական գործի քննության, ինչպես նաև այն մասին, որ գործը կարող է իր բացակայությամբ քննվել միայն գործի քննության տեղի և ժամանակի մասին նախապես ծանուցված լինելու դեպքում, եթե միջնորդություն չի ստացվել գործի քննությունը հետաձգելու մասին: Արթուր Մաթևոսյանը նշված օրը չի ներկայացել Տեսչական մարմին, որի հիմքով ղեկավարվելով վերոնշյալ հոդվածով վարույթի քննությունը իրականացվել է իրավախախտում կատարած անձի բացակայությամբ:

Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածին համապատասխան իրավախախտում կատարած անձի նկատմամբ վարչական տույժը որպես վարչական պատասխանատվության միջոց կիրառելիս հաշվի են առնվել կատարված իրավախախտման բնույթը, նրա անձը, մեղքի աստիճանը, գույքային դրությունը պատասխանատվությունը մեղմացնող և ծանրացնող հանգամանքները:

Ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածի 2-րդ մասով, 33-րդ հոդվածով, 34-րդ հոդվածով, 244.7 հոդվածով, 279-րդ հոդվածով, 281-րդ հոդվածով և 282-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի՝

1. Տվյալ իրավախախտման համար պատասխանատու Արթուր Մաթևոսյանի նկատմամբ կիրառել Վարչական իրավախախտումների վերաբերյալ Հայաստանի Հանրապետության օրենսգրքի 47.16-րդ հոդվածի 1-ին մասով նախատեսված պատասխանատվության միջոցը, սահմանել տուգանք՝ 600 000 /վեց հարյուր հազար/ ՀՀ դրամի չափով:

2. Համաձայն Վարչական իրավախախտումների վերաբերյալ օրենսգրքի 305 հոդվածի՝ տուգանքը պետք է վճարվի **Պետական բյուջե 900005024014 հ/հ:**

3. Տուգանք նշանակելու մասին որոշման հարկադիր կատարումը իրականացվում է «Վարչարարության հիմունքների և վարչական վարույթի մասին» ՀՀ օրենքի 5-րդ բաժնի դրույթներին համապատասխան:

4. Սույն որոշումը կարող է բողոքարկվել ուժի մեջ մտնելու օրվանից երկու ամսվա ընթացքում Վարչական դատարան:

ՏԵՍՉԱԿԱՆ ՄԱՐՄՆԻ ՂԵԿԱՎԱՐ՝



ԱՐՄԵՆ ԿՈՏՈՒՅԱՆ